

INFORME

PRESTACIÓNS PERIÓDICAS A

VÍTIMAS DE VIOLENCIA DE

XÉNERO

EXERCICIO 2019



XUNTA DE GALICIA

CONSELLERÍA DE
EMPREGO E IGUALDADE
Secretaría Xeral da Igualdade

ÍNDICE

1. Introducción.....	3
2. Obxectivos.....	7
3. Antecedentes legislativos.....	7
4. Resumo do programa de presetacións periódicas para vítimas de violencia de xénero da Xunta de Galicia.....	12
5. Estudo de seguimento da prestación periódica para mulleres que sofren violencia de xénero prevista no artigo 39 da lei galega 11/2007.....	18
5.1. Análise da prestación para mulleres que sofren violencia de xénero prevista no artigo 39 da lei galega 11/2007 no período (2006-2019).....	18
Orzamento do programa:.....	19
Evolución do número de solicitudes:.....	22
Evolución do número de concesións:.....	24
5.2. Análise dos resultados da convocatoria do ano 2019 da prestación para mulleres que sofren violencia de xénero prevista no artigo 39 da Lei galega 11/2007.....	28
Prestacións aprobadas (ano 2019):.....	29
Solicitudes denegadas (ano 2019):.....	34
Acreditación da situación de violencia de xénero (ano 2019):.....	36
Lugar de residencia das beneficiarias da prestación (ano 2019):.....	39
Nacionalidade das beneficiarias da prestación (ano 2019):.....	42
Idade das beneficiarias da prestación (ano 2019):.....	43
Situación familiar das beneficiarias da prestación (ano 2019):.....	44
Beneficiarias da prestación con discapacidade (ano 2019):.....	49
Situación laboral e económica das beneficiarias (ano 2019):.....	51
Tipoloxía das vítimas beneficiarias da prestación (ano 2019):.....	54
5.3. Comparativa dos resultados da convocatoria do ano 2018 e 2019 da prestación para mulleres que sofren violencia de xénero prevista no artigo 39 da Lei galega 11/2007.....	57
6. conclusións.....	68

AVALIACIÓN ANUAL

PRESTACIÓNS PERIÓDICAS DIRIXIDAS Á MULLERES VÍTIMAS DE VIOLENCIA DE XÉNERO

1. INTRODUCCIÓN

A promoción da igualdade de xénero e o empoderamento das mulleres é unha responsabilidade de toda a sociedade. Son as administracións públicas as que teñen a obriga de promover as condicións necesarias para que os dereitos e liberdades das mulleres sexan iguais aos dos homes e se fagan efectivos.

A Xunta de Galicia, a través da Secretaría Xeral da Igualdade estableceu coma acción prioritaria o desenvolvemento de mecanismos legais, económicos e sociais que preveñan e loiten contra as situacións de violencia de xénero.

Segundo o Decreto Lexislativo 2/2015, de 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade, establece no artigo 1.1 o **compromiso da comunidade autónoma na eliminación da discriminación entre mulleres e homes e na promoción da igualdade**. No artigo 1.4 establécese que as medidas que se adopten para a erradicación dos prexuízos de xénero acompañaranse dos oportunos programas e consignacións orzamentarias para que todas as cargas doméstico-familiares sexan obxecto de corresponsabilidade familiar e reciban a protección económica e social correspondente.

PRESTACIÓNS
PERIÓDICAS A
VÍTIMAS
VIOLENCIA DE XÉNERO
ARTIGO 39

SECRETARÍA
XERAL
DA
IGUADADE

Nesta regulamentación tamén se fai una referencia directa no artigo 14 aos programas e campañas contra a violencia de xénero e a súa comunicación.

O presente informe ten por obxectivo a análise da **prestación periódica para mulleres que sofren violencia de xénero en Galicia**, segundo establece a Lei 12/2016, do 22 de xullo, pola que se modifica a Lei 11/2007, do 27 de xullo, *galega para a prevención e o tratamento integral da violencia de xénero*.

O artigo 39, da Lei 11/2007, do 27 de xullo, establece que a Xunta de Galicia, a través do departamento competente en materia de igualdade, garantirá a existencia dunha **prestación económica de carácter periódico** dirixida ás mulleres vítimas de violencia de xénero. A devandita prestación terá en conta a situación socioeconómica das mulleres e irá **dirixida a posibilitar a súa autonomía e independencia económica** respecto do seu agresor ou da persoa que mantiver sobre ela unha relación de dominación e mais a intentar axudalas a romper coa situación de violencia.

Indica que é a Xunta de Galicia, a través do departamento competente en materia de igualdade a que regulará a prestación, **garantirá un prazo de solicitude aberto durante todo o ano**, e terá como persoas beneficiarias as vítimas de violencia de xénero.

Este informe da cumprimento ao disposto na disposición adicional cuarta da Lei 11/2007 do 27 de xullo (modificada pola Lei 12/2016, de 22 de xullo), que establece a obriga do Goberno da Xunta de Galicia de **remitir ao Parlamento de Galicia, con carácter anual, un informe sobre a prestación periódica para mulleres que sofren violencia de xénero**.

PRESTACIÓNS
PERIÓDICAS A VÍTIMAS
VIOLENCIA DE XÉNERO
ARTIGO 39

4.915

BENEFICIARIAS
NO PERÍODO
2006-2019



A VIOLENCIA DE XÉNERO EN GALICIA

A organización de Nacións Unidas define a violencia contra a muller como «*todo acto de violencia de xénero que resulte, ou poda ter como resultado un dano físico, sexual ou psicolóxico para a muller, incluídas as ameazas de tales actos, a coacción ou a privación arbitraria de liberdade, tanto si se producen na vida pública coma na privada*».

Na Axenda 2030 para o Desenvolvemento sostible a ONU establece 17 Obxectivos de desenvolvemento sostible. O obxectivo 5 é **acadar a igualdade de xénero, empoderando a todas as mulleres e nenas**.

A violencia de xénero segue a ser unha prioridade dos gobernos e institucións.

Segundo as estatísticas do Consello Xeral do Poder Xudicial, no ano 2019, o número de **denuncias en España** acadou as **168.057** o que supón un incremento de 0,67 puntos respecto do ano 2018. **En Galicia rexistráronse 6.551 denuncias**, cun incremento de 0,2 puntos con respecto ao ano anterior, menor que os datos a nivel nacional. Os datos por provincias fan referencia a 2.788 denuncias rexistradas na provincia da Coruña, 753 na provincia de Lugo, 664 en Ourense e 2.346 en Pontevedra.

En relación ás ordes de protección e medidas cautelares (art.544 Ter e 544 Bis), no ano 2019 solicitáronse en Galicia o 4,9% do total das presentadas en España, é dicir, 2.022 ordes de protección. En termos provinciais, os datos son: 782 ordes de protección da provincia da Coruña, 247 na de Lugo, 363 na de Ourense e 630 na de Pontevedra.

PRESTACIÓNS

PERIÓDICAS A VÍTIMAS

VIOLENCIA DE XÉNERO

ARTIGO 39

38.935.435,26 €

ORZAMENTO

NO PERIODO

2006-2019



2. OBXECTIVOS

A realización do presente informe dá cumprimento á disposición adicional cuarta apartado 2, da lei 11/2007, de 27 de xullo, galega para a prevención e o tratamento integral da violencia de xénero, modificada pola lei 12/2016, de 22 de xullo de avaliar os resultados acadados por este programa de prestacións promovido pola Xunta de Galicia.

Neste informe recóllense os principais indicadores de evolución destas prestacións promovidas pola Secretaría Xeral da Igualdade desde o ano 2006, realizándose unha análise comparativa dos 13 anos de execución do programa.

O informe céntrase na información relativa á convocatoria do ano 2019, a última da que se teñen datos definitivos de peche de exercicio económico.

Para concluír este documento preséntase un resumo coas principais conclusións da análise realizada subliñando aqueles datos e información máis relevante para a comprensión da evolución das Prestacións e o seu emprego como unha ferramenta máis para o empoderamento das mulleres vítimas de violencia de xénero ou vítimas de trata con fins de explotación sexual.

3. ANTECEDENTES LEXISLATIVOS

A conciencia social sobre a lacra que representa a violencia de xénero para a sociedade vai en aumento no noso país. Isto é debido fundamentalmente ao traballo levado a cabo

polas administracións, as institucións e as persoas. Un proceso no que o Estado e as Comunidades Autónomas, no ámbito das súas competencias, desenvolveron lexislación específica ao respecto.

A **Organización de Nacións Unidas (ONU)** coa Declaración universal dos dereitos humanos no ano 1948, ou o Convenio sobre a eliminación de todas as formas de discriminación contra a muller do ano 1979 iniciou un camiño imparable a prol da igualdade de xénero. Posteriormente chegaría no ano 1993 a Declaración sobre a eliminación da violencia cara á muller ou a Declaración de Beijing no 1995.

A **Unión Europea** tamén establece lexislación aplicable na materia. Destaca:

- *Convenio do Consello de Europa sobre a prevención e a loita contra a violencia contra a muller e a violencia doméstica 2011 (Convenio de Estambul)*
- *Convenio do Consello de Europa ,do 3 de maio de 2005, para a acción contra a trata de seres humanos (Convenio de Varsovia)*
- *Directiva 2012/29/UE do Parlamento Europeo e do Consello, de 25 de outubro de 2012, pola que se establecen normas mínimas sobre os dereitos, o apoio e a protección das vítimas de delitos, e pola que se substitúen a Decisión marco 2001/220/JAI do Consello.*
- *Directiva 2011/99/UE, do 13 de decembro de 2011, reguladora da Orde de Protección Europea.*
- *Directiva 2011/36/UE do Parlamento Europeo e do Consello, de 5 de abril de 2011, relativa á prevención e loita contra a trata de seres humanos e a protección das vítimas e pola que se substitúe a Decisión marco 2002/629/JAI do Consello.*



- *Regulamento (UE) n ° 606/2013 do Parlamento Europeo e do Consello, de 12 de xuño de 2013, relativo ao recoñecemento mutuo de medidas de protección en materia civil.*
- *Resolución do Consello do 20 de outubro de 2003 sobre iniciativas para loitar contra a trata de seres humanos, en particular das mulleres.*
- *Recomendación do Comité de Ministros do Consello de Europa (2002) sobre a protección das mulleres contra a violencia (adoptada o 30 de abril de 2002).*
- *Directrices da UE sobre a violencia contra as mulleres e a loita contra toda forma de discriminación contra elas adoptadas polo Consello en decembro de 2008 (Doc. 16173/08 + COR 1)*
- *Ditame do Comité de Rexións, aprobado no 81 Pleno o 7 de outubro de 2009, sobre as actuacións prioritarias dos entes locais e rexionais para previr a violencia contra as mulleres e mellorar a atención ás vítimas.*

En **España**, no ano 2003, regulouse a orde de protección das vítimas da violencia doméstica. Foi a *Lei orgánica 1/2004, do 28 de decembro, de medidas de protección integral contra a violencia de xénero*, a que marcará un fito histórico, ó establecer medidas concretas de protección contra a muller. Destacan tamén:

- *Real decreto 1452/2005, do 2 de decembro, polo que se regula a axuda económica establecida no artigo 27 da Lei Orgánica.*
- *Real Decreto 95/2009, do 6 de febreiro, polo que se regula o sistema de rexistros administrativos de apoio á Administración de Xustiza.*
- *Lei 4/2015, de 27 de abril, do Estatuto da vítima do delito.*



Galicia conta dende o ano 2007 coa súa propia Lei de violencia de xénero, a *Lei 11/2007, do 27 de xullo, galega para a prevención e o tratamento integral da violencia de xénero, modificada pola Lei 12/2016, do 22 de xullo*. Son tamén de aplicación:

- 1 *Decreto lexislativo 2/2015, do 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade.*
- 2 *Orde do 2 de maio de 2006 pola que se regula o programa de fomento da inserción laboral das mulleres vítimas de violencia.*

E no referente en concreto á a **prestación periódica** para mulleres que sofren violencia de xénero:

- 3 *Resolución de 17 de decembro de 2018, da Secretaría Xeral da Igualdade , pola que se aproban as bases reguladoras para a concesión da prestación periódica para mulleres que sofren violencia de xénero, prevista no artigo 39 da Lei 11/2007, do 27 de xullo, galega para a prevención e o tratamento integral da violencia de xénero, modificada pola Lei 12/2016, do 22 de xullo.*
- 4 *Resolución do 12 de febreiro de 2019, da Secretaría Xeral da Igualdade, pola que se modifica a Resolución de 17 de decembro de 2018 pola que se aproban as bases reguladoras para a concesión da prestación periódica para mulleres que sofren violencia de xénero, prevista no artigo 39 da Lei 11/2007, do 27 de xullo, galega para a prevención e o tratamento integral da violencia de xénero, modificada pola Lei 12/2016, do 22 de xullo.*

- 5 *Resolución do 2 de xaneiro de 2019, da Secretaría Xeral da Igualdade, pola que se convoca para o ano 2019 a prestación periódica para mulleres que sofren violencia de xénero, prevista no artigo 39 da Lei 11/2007, do 27 de xullo, galega para a prevención e o tratamento integral da violencia de xénero, modificada pola Lei 12/2016, do 22 de xullo.*

4. RESUMO DO PROGRAMA DE PRESTACIÓNS PERIÓDICAS PARA VÍTIMAS DE VIOLENCIA DE XÉNERO DA XUNTA DE GALICIA

A lei 11/2007, do 27 de xullo, galega para a prevención e o tratamento integral da violencia de xénero ten como obxecto a adopción en Galicia de medidas integrais para a sensibilización, a prevención e o tratamento da violencia de xénero, así coma a protección e o apoio ás mulleres que a sofren.

Considera **violencia de xénero** calquera acto violento ou agresión, baseados nunha situación de desigualdade no marco dun sistema de relacións de dominación dos homes sobre as mulleres que teña ou poida ter como consecuencia un dano físico, sexual ou psicolóxico, incluídas as ameazas de tales actos e a coacción ou privación arbitraria da liberdade, tanto se ocorren no ámbito público coma na vida familiar ou privada.

Segundo establece o artigo 39, será a Xunta de Galicia, a través do departamento competente en materia de igualdade, a que establecerá unha **prestación económica periódica dirixida ás mulleres que sofren violencia de xénero**. A devandita prestación terá en conta a situación socioeconómica das mulleres e irá dirixida a

posibilitar a súa **autonomía e independencia económica** respecto do seu agresor, ou da persoa que mantiver sobre ela unha relación de dominación para os casos das mulleres vítimas de trata con fin de explotación sexual.

Estas prestacións ademais intentan **contribuír a romper coa situación de violencia** e que lles posibilite dar o primeiro paso ou consolidar a ruptura dunha situación na que corren perigo.

Esta prestación aboarase periodicamente, logo da acreditación da situación de violencia de xénero por calquera das formas previstas na lei, sendo o departamento competente en materia de igualdade o encargado de regular as bases da convocatoria e as contías das prestacións, dentro dos límites orzamentarios de cada anualidade.

Os **requisitos necesarios** para poder ser beneficiaria desta axuda son:

- Ser **muller, maior de idade ou emancipada**
- **Acreditar** unha situación de violencia de xénero nunha relación de convivencia e de dependencia económica do agresor, ou no caso de vítimas de trata con fins de explotación sexual, de **dependencia da persoa que mantiver sobre ela unha relación de dominación**, mediante algún dos seguintes documentos, emitidos no intervalo temporal que comprende os **doce meses inmediatamente anteriores** á data de presentación da solicitude:

- Orde de protección ou medida cautelar vixentes.

- Sentenza de calquera orde xurisdiccional, que declare que a muller sufriu violencia de xénero ou documento xudicial que declare que a muller é vítima de trata de seres humanos con fins de explotación sexual.
- Informe do Ministerio Fiscal que indique a existencia de indicios de violencia e /ou de trata de seres humanos con fins de explotación sexual, auto de apertura de xuízo oral ou documento equivalente no que conste a existencia dos ditos indicios.
- Informe das Forzas e Corpos de Seguridade que indique a existencia de indicios claros de trata de seres humanos con fins de explotación sexual.
- Informe dos servizos sociais e/ou sanitarios da Administración pública autonómica ou local no que se recolla a dita condición de vítima de violencia de xénero ou de vítima de trata de seres humanos con fins de explotación sexual, e a data na que se produciu o cesamento da convivencia ou da situación de dominación respectivamente.
- Informe dos servizos de acollida da Administración pública autonómica ou local no que recolla a dita condición de vítima de violencia de xénero ou de vítima de trata de seres humanos con fins de explotación sexual, e a data na que se produciu o cesamento da convivencia ou da situación de dominación respectivamente.

Para os efectos desta axuda tamén terán a consideración de vítimas de violencia de xénero as mulleres que padeceran violencia vicaria ou violencia “por interpósita persoa”, con resultado de morte.

- Ter cesado a convivencia co agresor, ou coa persoa que mantiver sobre ela unha relación de dominación, no intervalo temporal que comprende os doce meses inmediatamente anteriores á data de presentación da solicitude.

No caso de violencia vicaria ou violencia “por interpósita persoa”, o intervalo temporal de doce (12) meses computarase dende o feito causante.

Nos casos de falecemento do agresor, o intervalo temporal será igualmente de doce (12) meses, tanto para o feito en si do propio falecemento como da ruptura da convivencia.

- No caso de acreditar a situación de violencia de xénero cunha orde de protección ou medida cautelar, esta deberá estar vixente na data de presentación da solicitude e manterse na data da resolución desta axuda.
- Estar empadroada e ter residencia efectiva na Comunidade Autónoma de Galicia e, no caso das mulleres estranxeiras, cando así se esixa pola lexislación vixente, ter permiso de residencia.

No caso de vítimas de trata con fins de explotación sexual, é suficiente acreditar que posúen autorización de residencia por circunstancias excepcionais.

- Carecer de dispoñibilidade de recursos económicos ou que a súa contía sexa insuficiente para afrontar unha independencia inmediata do seu agresor ou da persoa que mantiver sobre ela unha relación de dominación, e/ou dispoñer dunhas rendas ou ingresos brutos mensuais iguais ou inferiores ao dobre do IPREM vixente, excluída a parte proporcional das pagas extraordinarias.

- Non ter percibido con anterioridade esta axuda ou a axuda establecida no artigo 27 da Lei orgánica 1/2004, do 28 de decembro, de medidas de protección integral contra a violencia de xénero.

A **contía económica** é destinada directamente á beneficiaria e terá carácter periódico, ata o máximo de doce mensualidades, sempre que nese período subsistan as circunstancias polas que se concedeu.

A contía que pode acadar a axuda establécese en función das rendas e ingresos da solicitante da axuda en relación co indicador público de renda de efectos múltiples (IPREM) vixente, de acordo coas seguintes especificacións:

Ingresos	Contía mensual
<i>Ingresos $\leq$ IPREM vixente. Carácter xeral.</i>	600 €
<i>Ingresos $\leq$ IPREM e unha filla/o menor ou menor en acollida a cargo// ou discapacidade das vítimas $\geq$ 33%</i>	650 €
<i>Ingresos $\leq$ IPREM e unha filla/o menor ou menor en acollida a cargo e esta/e ou a solicitante teñan unha discapacidade $\geq$ 33%</i>	700 €
<i>Ingresos $\leq$ IPREM e dúas ou máis fillas/os menores ou menores en acollida a cargo.</i>	700 €
<i>Ingresos $\leq$ IPREM e dúas ou máis fillas/os menores ou menores en acollida a cargo e esta/e ou a solicitante teñan unha discapacidade $\geq$ 33%</i>	800 €
<i>Ingresos $\leq$ IPREM e unha filla/o menor ou menor en acollida a cargo e esta/e ou a solicitante teñan unha discapacidade $\geq$ 65% ou teñan recoñecido grao de dependencia de acordo coa Lei 39/2006, do 14 de decembro.</i>	800 €
<i>Ingresos $>$ IPREM e $\leq$ 1,5 veces IPREM. Carácter xeral.</i>	300 €
<i>Ingresos $>$ IPREM e $\leq$ 1,5 veces IPREM e unha filla/o menor ou</i>	350 €



Ingresos	Contía mensual
menor en acollida a cargo// ou discapacidade da vítimas $\geq 33\%$ Ingresos $> IPREM$ e $\leq 1,5$ veces $IPREM$ e unha filla/o menor ou menor en acollida a cargo e esta/e ou a solicitante teñan unha discapacidade $\geq 33\%$	400 €
Ingresos $> IPREM$ e $\leq 1,5$ veces $IPREM$ e dúas ou máis fillas/os menores ou menores en acollida a cargo.	400 €
Ingresos $> IPREM$ e dúas ou máis fillas/os menores ou menores en acollida a cargo e esta/e ou a solicitante teñan unha discapacidade $\geq 33\%$	500 €
Ingresos $> IPREM$ e $\leq 1,5$ veces $IPREM$ e unha filla/o menor ou menor en acollida a cargo e esta/e ou a solicitante teñan unha discapacidade $\geq 65\%$ ou teñan recoñecido grao de dependencia de acordo coa Lei 39/2006, do 14 de decembro.	500 €
Ingresos $> 1,5$ veces $IPREM$ e $\leq$ dobre $IPREM$. Carácter xeral.	200 €
Ingresos $> 1,5$ veces $IPREM$ e $\leq$ dobre $IPREM$ e unha filla/o menor ou menor en acollida a cargo// ou discapacidade da vítimas $\geq 33\%$	250 €
Ingresos $> 1,5$ veces $IPREM$ e $\leq$ dobre $IPREM$ e unha filla/o menor ou menor en acollida a cargo e esta/e ou a solicitante teñan unha discapacidade $\geq 33\%$	300 €
Ingresos $> 1,5$ veces $IPREM$ e $\leq$ dobre $IPREM$ e dúas ou máis fillas/os menores ou menores en acollida a cargo.	300 €
Ingresos $> 1,5$ veces $IPREM$ e $\leq$ dobre $IPREM$ e dúas ou máis fillas/os menores ou menores en acollida a cargo e esta/e ou a solicitante teñan unha discapacidade $\geq 33\%$	400 €
Ingresos $> 1,5$ veces $IPREM$ e $\leq$ dobre $IPREM$ e unha filla/o menor ou menor en acollida a cargo e esta/e ou a solicitante teñan unha discapacidade $\geq 65\%$ ou teñan recoñecido grao de dependencia de acordo coa Lei 39/2006, do 14 de decembro.	400 €

5 ESTUDO DE SEGUIMENTO DA PRESTACIÓN PERIÓDICA PARA MULLERES QUE SOFREN VIOLENCIA DE XÉNERO PREVISTA NO ARTIGO 39 DA LEI GALEGA 11/2007

5.1. Análise da prestación para mulleres que sofren violencia de xénero prevista no artigo 39 da lei galega 11/2007 no período (2006-2019)

Desde a primeira convocatoria destas prestacións, no ano 2006 ata o pasado ano 2019 o **apoio económico** ás mulleres que sofren violencia de xénero a través desta liña de **prestacións superou os 38,9 millóns de €**

38.935.425,26 €

ORZAMENTO TOTAL PERÍODO 2006-2019



14

ANUALIDADES CONTINUADAS

4.915

BENEFICIARIAS

Orzamento do programa:

Esta liña de axudas contou con ampliacións orzamentarias dende o inicio da súa execución polo que a continuación se detallan os exercicios económicos, as anualidades e as ampliacións orzamentarias desde o ano 2006:

Táboa 1. Orzamento desagregado por exercicio económico

<i>Exercicio económico</i>	Anualidades incluídas		Ampliacións orzamentarias		Importe total
Exercicio 2006	Anualidade 2006	Anualidade 2007	Ampliación 2006	Ampliación 2007	Importe total
<i>Convocatoria plurianual 2006-2007</i>	1.100.000 €	550.000 €	105.300 €	0 €	1.755.300,00 €
Exercicio 2007	Anualidade 2007	Anualidade 2008	Ampliacións 2007	Ampliación 2008	Importe total
<i>Convocatoria plurianual 2007-2008</i>	263.400 €	50.000 €	1.302.000 €	615.000 €	2.230.400,00 €
Exercicio 2008	Anualidade	Anualidade	Ampliacións	Ampliación	Importe total



Xacobeo 2021


Exercicio económico	Anualidades incluídas		Ampliacións orzamentarias		Importe total
	2008	2009	2008	2009	
<i>Convocatoria plurianual 2008-2009</i> Exercicio 2009	965.000 €	1.141.000 €	294.589 €	0 €	2.400.589,00 €
	Anualidade 2009	Anualidade 2010	Ampliacións 2009	Ampliación 2010	Importe total
<i>Convocatoria plurianual 2009-2010</i> Exercicio 2010	628.500 €	798.700 €	535.050 €	0 €	1.962.250,00 €
	Anualidade 2010	Anualidade 2011	Ampliacións 2010	Ampliación 2011	Importe total
<i>Convocatoria plurianual 2010-2011</i> Exercicio 2011	900.000 €	630.000 €	841.127 €	0 €	2.371.127,00 €
	Anualidade 2011	Anualidade 2012	Ampliacións 2011	Ampliación 2012	Importe total
<i>Convocatoria plurianual 2011-2012</i> Exercicio 2012	970.000 €	1.120.000 €	300.000 €	0 €	2.390.000,00 €
	Anualidade 2012	Anualidade 2013	Ampliacións 2012	Ampliación 2013	Importe total
<i>Convocatoria plurianual 2012-2013</i> Exercicio 2013	1.276.650 €	1.120.000 €	218.886,66 €	0 €	2.615.536,66 €
	Anualidade 2013	Anualidade 2014	Ampliacións 2013	Ampliación 2014	Importe total
<i>Convocatoria plurianual 2013-2014</i> Exercicio 2014	688.850 €	1.120.000 €	312.660,65 €	0 €	2.121.510,65 €
	Anualidade 2014	Anualidade 2015	Ampliacións 2014	Ampliación 2015	Importe total
<i>Convocatoria plurianual 2014-2015</i> Exercicio 2015	750.150 €	1.155.000 €	345.150 €	0 €	2.250.300,00 €
	Anualidade 2015	Anualidade 2016	Ampliacións 2015	Ampliación 2016	Importe total
<i>Convocatoria plurianual 2015-2016</i> Exercicio 2016	578.380,49 €	1.176.000 €	664.006,87 €	0 €	2.418.387,36 €
	Anualidade 2016	Anualidade 2017	Ampliacións 2016	Ampliación 2017	Importe total
<i>Convocatoria plurianual 2016-2017</i>	728.382 €	1.303.562 €	391.237 €	0 €	2.423.181,40 €
Exercicio 2017	Anualidade 2017	Anualidade 2018	Ampliacións 2017	Ampliación 2018	Importe total
<i>Convocatoria plurianual 2017-2018</i> Exercicio 2018	1.942.950 €	2.100.000 €	0 €	0 €	4.042.950,00 €
	Anualidade	Anualidade	Ampliacións	Ampliación	Importe total



Exercicio económico	Anualidades incluídas		Ampliacións orzamentarias		Importe total
	2018	2019	2018	2019	
Convocatoria plurianual 2018-2019	1.600.000 €	2.100.000 €	958.927,30 €	0 €	4.658.937,30 €
Exercicio 2019	Anualidade 2019	Anualidade 2020	Ampliacións 2019	Ampliación 2020	Importe total
Convocatoria plurianual 2019-2020	2.350.000 €	2.800.000 €	144.965,89 €	0 €	5.294.965,89 €

O orzamento destinado a estas prestacións segue unha liña ascendente a excepción dos anos 2009 e 2013 nos que se reduce o orzamento total destinado a estas prestacións. É destacado o **incremento do 40% do orzamento no ano 2017** con respecto do ano anterior 2016 situándose en **máis de 4 millóns de euros**.

Gráfico 1. Evolución do orzamento no período (2006-2019)



5.294.965,89 € o


ORZAMENTO ANUAL MÁIS ELEVADO CORRESPONDE AO ANO 2019

76% INCREMENTO

ORZAMENTARIO DESDE O ANO 2006

Evolución do número de solicitudes:


Gráfico 2. Evolución do número de solicitudes no período (2006-2019)



O número de solicitudes seguiu unha evolución descontinua aínda que nos últimos tres anos o seu crecemento foi exponencial, incrementáronse en máis dun 93% con respecto aos datos do 2016.

40% DO TOTAL DE SOLICITUDES PROCEDEN DA PROVINCIA DA CORUÑA

Gráfico 3. Evolución do número de solicitudes por Provincia no período (2006-2019)




A suma das solicitudes das provincias de Lugo e Ourense é inferior ao 25% do total. Pola contra, no ano 2017, foi Ourense a provincia que tivo un maior incremento no número de solicitudes, duplicándose o seu número con respecto ás cifras do 2016 pero é a única que reduciu o número de solicitudes no ano 2019 con respecto ao ano anterior.

Evolución do número de concesións:

En relación ao número de concesións, este incrementouse exponencialmente desde o establecemento das presentacións no ano 2006. **Nos anos 2010 e 2016 superouse o 80% de concesións con respecto ás solicitudes presentadas.**

Gráfico 4. Evolución da porcentaxe de concesións con respecto ás solicitudes período (2006-2019)



NO ANO 2010 FORON CONCEDIDAS MÁIS DO

88% DAS SOLICITUDES

Desde o ano 2012, a media de prestacións concedidas con respecto ás solicitudes foi superior ao 70%.

No último ano, 2019, tres de cada catro solicitudes presentadas foron resolucións favorables ás demandantes.

Gráfico 5. Evolución do número de solicitudes e concesións no período (2006-2019)





Gráfico 6. Porcentaxe de solicitudes e concesións por Provincia no período (2006-2019) con respecto ao número total de prestacións



provincia da Coruña recolle o maior número de concesións en termos totais, é **a provincia de Pontevedra** a que, **en relación ao seu número de solicitudes presentadas, ten un maior ratio de concesións.**

Táboa 2 . Evolución do número de concesións por Provincia no período (2006-2019)

Provincia	<i>A Coruña</i>	<i>Lugo</i>	<i>Ourense</i>	<i>Pontevedra</i>	<i>Total</i>
<i>Ano</i>					
2006	140	24	29	82	275
2007	127	36	37	120	320
2008	113	31	31	84	259
2009	77	42	31	67	217
2010	151	45	57	116	369
2011	80	30	34	107	251
2012	145	47	45	125	362
2013	105	43	34	104	286
2014	122	36	50	128	336
2015	133	24	48	134	339
2016	140	28	31	125	324
2017	169	35	52	161	417
2018	246	53	78	206	583
2019	244	56	70	207	577
<i>Total</i>	1.992	530	627	1.766	4.915

A provincia da Coruña é a que recibiu un maior número de concesións con respecto á suma do total galego desde que se iniciou no ano 2006 a convocatoria de axudas (40,5%). A provincia de Lugo conta con menos do 11% das concesións totais e a de Ourense cun 12,7% do total, mentres que Pontevedra triplica os valores de concesión de Ourense con case o 36% das concesións.

A CORUÑA E PONTEVEDRA SUMAN

MÁIS DO **76%** DAS PRESTACIÓNS
CONCEDIDAS

5.2. Análise dos resultados da convocatoria do ano 2019 da prestación para mulleres que sofren violencia de xénero prevista no artigo 39 da Lei galega 11/2007

A través da Resolución de 17 de decembro de 2018, da Secretaría Xeral da Igualdade, aprobáronse as bases reguladoras para a concesión da prestación periódica para mulleres que sofren violencia de xénero, prevista no artigo 39 da Lei 11/2007, do 27 de xullo, galega para a prevención e o tratamento integral da violencia de xénero, modificada pola Lei 12/2016, do 22 de xullo (DOG núm. 1 do 2 de xaneiro de 2019), que foron modificadas pola Resolución do 12 de febreiro de 2019 (DOG núm. 36 do 20 de febreiro de 2019).

Mediante a Resolución da Secretaría Xeral da Igualdade do 2 de xaneiro de 2019, convocouse para o ano 2019 a prestación periódica para mulleres que sofren violencia de xénero prevista no artigo 39 da Lei 11/2007, 17 de marzo de 2017, modificada pola Lei 12/2016, do 22 de xullo (DOG núm. 2, do 3 de xaneiro de 2019)

Segundo a finalidade destas prestacións, preséntanse a continuación os datos relativos á concesión da prestación no **ano 2019**:

5.294.965,89 €

ORZAMENTO ANO 2019

12% DE INCREMENTO

ORZAMENTARIO RESPECTO AO ANO ANTERIOR


577 BENEFICIARIAS

Prestacións aprobadas (ano 2019):

No ano 2019 recibíronse **772 solicitudes** das que foron **concedidas o 74,74%** o que fixo un total de **577 prestacións concedidas**.


En relación á distribución xeográfica das prestacións, a provincia da **Coruña** é a que ten un maior número de solicitudes (320) seguida de **Pontevedra** (276). Do mesmo xeito son estas provincias as que teñen o maior numero de concesións **acadando a suma das dúas provincias máis do 78% das prestacións adxudicadas no ano 2019.**

Gráfico 7. Número de solicitudes e concesións por Provincia no ano 2019



No que se refire á porcentaxe de concesións con respecto ao número de solicitudes é a provincia de **A Coruña** a que ten unha maior porcentaxe de resolucións favorables, cun **76,25%** de prestacións concedidas con respecto ás presentadas na provincia seguida da provincia da **Pontevedra** cun 75,00% de concesións respecto ás solicitudes .

Gráfico 8. Porcentaxe de concesións con respecto ás solicitudes de cada Provincia. Ano 2019



**3 DE CADA 4 SOLICITUDES
FORON CONCEDIDAS**

As concesións do ano 2019 correspóndense un 42,3% coa provincia da Coruña, un 35,9% con Pontevedra, a Ourense lle corresponden un 12,1 % das concesións totais e a provincia de Lugo un 9,7% do total.

É relevante sinalar que mentres que a provincia **de Lugo ten unha mesma representatividade de solicitudes e de concesións con respecto ao total de Galicia, no** caso contrario sitúase a provincia de Ourense, ten un maior número de solicitudes (13,08%) que de concesións (12,13%) con respecto ao total de Galicia e as provincias da Coruña e Pontevedra teñen unha porcentaxe maior de concesións (42,29% e 35,83%) que de solicitudes (41,45% e 35,75%) con respecto ao total da Comunidade Autónoma.

Gráfico 9. Porcentaxe de concesións e solicitudes por Provincia con respecto ao total de prestacións (ano 2019)





Gráfico 10 . Prestacións concedidas por Provincia e exercicio económico ¹




Segundo se indicaba na Táboa 1, que facía referencia ao orzamento desagregado por exercicio económico, das prestacións económicas concedidas segundo a convocatoria do ano 2019, o 44,3% dos importes concedidos corresponden a partidas do exercicio económico 2019. No ano 2020, é a provincia de Pontevedra é a que incrementa a súa representatividade o presuposto executado con respecto ao ano anterior.

¹ Nestes importes inclúense os totais de cada proposta, non se teñen en conta as modificacións ou suspensións da axuda

Solicitudes denegadas (ano 2019):

En relación ás solicitudes que non foron aprobadas, **os motivos principais da denegación foron o incumprimento ou non acreditación dalgún dos requisitos das bases da convocatoria**. En un de cada catro casos non se respondeu ao requirimento de documentación solicitada pola Secretaría Xeral da Igualdade.

Gráfico 11 . Solicitudes desfavorables por motivo de denegación (ano 2019)



En termos provinciais, **a provincia de Ourense é a que ten maior número de expedientes non aprobados por non emendar un requirimento de documentación**, representando o 38% das solicitudes presentadas nesa provincia. Na provincia de Lugo unha única solicitude foi denegada por non emendar a documentación solicitada.

Na provincia de Pontevedra recibíronse 9 **comunicacións de desestimento** expreso á solicitude presentada, sendo a provincia cun maior número de desestimentos e representando o 20% das solicitudes da provincia denegadas.

O 50% das solicitudes que non acredita carencia de recursos económicos (ingresos superiores ao dobre do IPREM) foron presentadas na provincia da Coruña, representando máis do 13% das solicitudes denegadas nesa provincia.

Nas provincias de Lugo e Ourense, máis do 20% das solicitudes denegadas debeuse á **falla de acreditación dunha situación de violencia de xénero** nunha relación de convivencia e dependencia económica do agresor.

Máis do 56% das **solicitudes denegadas por non cesar na convivencia no intervalo temporal dos 12 meses anteriores á presentación da solicitude** foron presentadas na provincia da Coruña. O 29% das solicitudes presentadas nesta provincia foron denegadas por esta causa. Na provincia de Lugo, o 27% das solicitudes denegadas foi por este mesmo motivo.

Das **solicitudes denegadas porque a muller vítima de violencia de xénero xa percibiu esta axuda con anterioridade** máis do 44% foron solicitudes



presentadas na provincia de Pontevedra, o 25% foron presentados en Lugo, o 18,7% foron presentadas na Coruña, e o 12,3% en Ourense. Este motivo representa na provincia de Lugo o 27% das solicitudes denegadas.

As **dúas solicitudes denegadas porque a muller residía fóra de Galicia** foron presentadas unha na provincia de Ourense e outra na provincia de Pontevedra.

A **solicitudade arquivada a causa dun falecemento** foi presentada na provincia de Pontevedra.

Acreditación da situación de violencia de xénero (ano 2019):

Procedendo á **análise das axudas concedidas e á situación das persoas beneficiarias**, a determinación das mesmas establécese, segundo as bases da convocatoria, coa acreditación dunha situación de violencia de xénero nunha relación de convivencia e de dependencia económica do agresor, ou no caso de vítimas de trata con fins de explotación sexual, de dependencia da persoa que mantivera sobre ela unha relación de dominación.

Os documentos acreditativos teñen que ser emitidos no intervalo temporal que comprende os doce meses inmediatamente anteriores á data de presentación da solicitudade da axuda.

Na convocatoria do ano 2019, **as acreditacións da situación de violencia de xénero das beneficiarias realizouse principalmente a través de medidas xudiciais.**


Táboa 3. Medios de acreditación da situación de violencia de xénero da beneficiaria por provincia (ano 2019)

	A Coruña	Lugo	Ourense	Pontevedra	Total
<i>Orde de protección ou medida cautelar</i>	139	41	41	84	305
<i>Sentenza</i>	50	6	22	86	164
<i>Informe do Ministerio Fiscal</i>	0	2	0	0	2
<i>Informe das FCS</i>	16	3	2	1	22
<i>Informe de Servizos Sociais ou Sanitarios da Adm. Pública autonómica ou local</i>	33	4	5	29	71
<i>Informe dos Servizos de Acolida da Adm. Pública autonómica ou local</i>	6	0	0	7	13
Total	244	56	70	207	577

MÁIS DO 81%

DAS BENEFICIARIAS ACREDITA A SITUACIÓN DE VIOLENCIA DE XÉNERO CON MEDIDAS XUDICIAIS

Gráfico 12. Tipo de acreditación da violencia de xénero presentada polas beneficiarias (ano 2019)



Lugar de residencia das beneficiarias da prestación (ano 2019):

En termos territoriais na maioría das provincias as **beneficiarias residen en zonas urbanas** agás na provincia de Pontevedra, onde é maior o número de vítimas en zonas rurais que urbanas². Pola contra, se sumamos a representatividade das presentacións en toda a comunidade autónoma, o 47% das beneficiarias residen en zonas urbanas, o que coincide coas principais cidades de Galicia:

Táboa 4. Beneficiarias residentes nas principais cidades galegas máis poboadas (ano 2019)

<i>Cidade</i>	Nº de beneficiarias
<i>Coruña (A)</i>	70
<i>Ferrol</i>	23
<i>Santiago de Compostela</i>	27
<i>Lugo</i>	28
<i>Ourense</i>	37
<i>Pontevedra</i>	20
<i>Vigo</i>	65

En conxunto, As zonas menos poboadas clasificadas como **zonas intermedias de poboación ou zonas pouco poboadas representan á maioría dos lugares de residencia das beneficiarias**³.


² Poden existir variacións respecto aos totais semestrais por provincia dado que hai beneficiarias que cambian de concello durante a tramitación/percepción.

³ Nota explicativa: (Clasificación dos concellos segundo o novo grao de urbanización de Eurostat e do Nomenclátor do ano 2009).

ZDP: Zona Densamente Poboada: Conxunto contiguo de concellos de densidade superior a 500 hab./km² e unha poboación total para a zona de polo menos 50.000 habitantes.



**Gráfico 13. Beneficiarias da prestación por Grao de Urbanización e Concello
(ano 2019)**




ZIP: Zona Intermedia de Poboación: Conxunto de concellos que non pertencen a unha zona densamente poboada onde cada unha delas conta cunha densidade superior a 100 hab./km² e, ou ben a poboación total da zona é superior a 50.000 habitantes, ou ben é adxacente a unha zona poboada densamente.

ZPP: Zona Pouco Poboada: Grupos de concellos que non pertencen a zonas densamente poboadas ou a zonas intermedias

o 53% DAS BENEFICIARIAS RESIDEN EN ZONAS RURAIS

Gráfico 14. Beneficiarias da prestación por Grao de Urbanización e Concello (ano 2019)⁴



4 Nota explicativa: (Clasificación dos concellos segundo o subgrao de urbanización):

ZIP alta :aquelas áreas cunha densidade superior a 300 hab./Km2 (e con polo menos unha AL de densidade superior a 500 hab./Km2) que formen un conxunto contiguo cunha poboación de 10.000 ou máis habitantes, o resto son ZIP baixa.

Dentro das áreas clasificadas como **ZPP**, aquelas áreas cunha densidade >80 hab./Km2 (e con polo menos unha AL de densidade superior aos 100 hab./Km2) que formen un conxunto contiguo cunha poboación total para o conxunto de 2.000 habitantes ou máis clasifícanse como:

- **ZPP alta** se o conxunto ten 10.000 ou máis habitantes
- **ZPP intermedia** se o conxunto ten 5.000 habitantes ou máis e menos de 10.000 habitantes
- **ZPP baixa** se o conxunto ten 2.000 habitantes ou máis e menos de 5.000 habitantes

Máis do o 23% das prestacións van destinadas a mulleres de zonas rurais pouco poboadas, sendo a provincia de Ourense a que ten un maior número de beneficiarias que residen en zonas moi pouco poboadas (ZPP baixa).

Nacionalidade das beneficiarias da prestación (ano 2019):

As beneficiarias representan 27 nacionalidades diferentes á española, máis do 16% das estranxeiras son de países lationamericanos.

3 DE CADA 4 BENEFICIARIAS SON ESPAÑOLAS

Táboa 5 . Nacionalidade das beneficiarias da prestación no ano 2019

<i>Nacionalidade</i>	<i>Nº beneficiarias</i>	<i>%</i>
<i>Española</i>	436	75,56 %
<i>Estranxeira</i>	141	24,44 %
Total	577	100,00 %

Táboa 6 . Nacionalidade das beneficiarias da prestación no ano 2019


Nacionalidade	N.º beneficiarias	%
España	436	75,56%
Brasil	24	4,16%
Colombia	18	3,12%
Paraguai	15	2,60%
Marrocos	14	2,43%
Venezuela	14	2,43%

Nacionalidade	N.º beneficiarias	%
Portugal	9	1,56%
Romanía	9	1,56%
Cuba	5	0,87%
República Dominicana	4	0,69%
Nicaragua	3	0,52%
Níxer	3	0,52%
Perú	3	0,52%
Uruguai	3	0,52%
México	2	0,35%
Senegal	2	0,35%
Arxentina	1	0,17%
Bélxica	1	0,17%
Bolivia	1	0,17%
Chile	1	0,17%
China	1	0,17%
Ecuador	1	0,17%
Estados Unidos	1	0,17%
Exipto	1	0,17%
Guatemala	1	0,17%
Nixeria	1	0,17%
Rusia	1	0,17%
Servia e Montenegro	1	0,17%
Siria	1	0,17%

Idade das beneficiarias da prestación (ano 2019):

A idade media das beneficiarias é de 42 anos. O 31,7% das mulleres teñen entre 36 e 45 anos.

Gráfico 15. Beneficiarias da prestación por tramo de idade (ano 2019)



**o 70% DAS BENEFICIARIAS
TEÑEN MENOS DE 46 ANOS**

Situación familiar das beneficiarias da prestación (ano 2019):

En relación á súa situación familiar máis da metade das beneficiarias teñen fillos/as, é dicir, 301 beneficiarias teñen polo menos unha filla ou fillo menor ao seu cargo.


**Táboa 7 . Beneficiarias segundo o número de fillas/os menores ao seu cargo
(ano 2019)**

<i>Nº fillas/os</i>	<i>N.º beneficiarias</i>	<i>Total fillas/os</i>
0 fillas/os	276	0
1 filla/o	178	178
2 fillas/os	89	178
3 fillas/os	28	84
4 fillas /os	6	24
TOTAL	577	464

**52% DAS BENEFICIARIAS TEÑEN
FILLAS/OS MENORES AO SEU CARGO**

Segundo o número de fillos das beneficiarias, **o 20% das beneficiarias teñen dous ou máis fillas/os menores ao seu cargo.**

Gráfico 16. Porcentaxe de beneficiarias por número de fillas/os menores a seu cargo(ano 2019)




Do total de menores ao cargo das beneficiarias **o 48% son nenas** e, polo tanto, o 52% son nenos.

52% DE MENORES AO CARGO
DAS BENEFICIARIAS SON RAPACES


En relación á distribución xeográfica, nas provincias da Coruña e Pontevedra residen un 39,8% e un 37,7% dos fillos/as, respectivamente. Na provincia de Ourense residen o 14% dos fillos/as mentres que na provincia de Lugo só residen o 8,4%.

Gráfico 17. Porcentaxe de fillas/os menores ao cargo das Beneficiarias por provincia (2019)



464 FILLAS/OS MENORES AO CARGO DAS BENEFICIARIAS

Gráfico 18. Número de fillas/os menores ao cargo das Beneficiarias por provincia (ano 2019)



En comparación coas cifras totais de residencia dos nenos/as a cargo das beneficiarias, no que respecta ás rapazas, máis dun 43% das **223 rapazas menores ao cargo das Beneficiarias**, residen na provincia de Pontevedra, e un 33,6% residen na provincia da Coruña.


Estas prestacións tamén recollen a **situación de especial vulnerabilidade** nos casos dunha discapacidade das beneficiarias ou dos fillos/as menores ao seu cargo.

Beneficiarias da prestación con discapacidade (ano 2019):

**9% DAS BENEFICIARIAS
TEÑEN ACREDITADA UNHA
DISCAPACIDADE**


No ano 2019, do total de beneficiarias destas prestacións, **58 mulleres tiñan acreditada unha discapacidade**. Na provincia da Coruña residen o 44,3% destas mulleres cunha discapacidade, na provincia de Pontevedra residen un 38,5% en Lugo un 11,5% e na provincia de Ourense un 5,7 %. mulleres en cada unha delas.

Gráfico 19. Porcentaxe de Beneficiarias cunha discapacidade acreditada por provincia (ano 2019)



No caso das **fillas/os menores a cargo** das Beneficiarias, un **2% do total teñen acreditada unha discapacidade**, 10 rapaces/as con esta situación de dependencia acreditada.

Gráfico 20. Porcentaxe de fillas/os menores a cargo das Beneficiarias cunha discapacidade acreditada por provincia (ano 2019)



Dos fillos/as que teñen acreditada unha discapacidade residen na provincia de Pontevedra un 70% na provincia da Coruña, un 20% e en Lugo un 10% . Non se identificou ningún caso na provincia de Ourense.

Situación laboral e económica das beneficiarias (ano 2019):

A situación laboral das beneficiarias tamén está recollida nos criterios de adxudicación das prestacións obxecto deste informe.


**MÁIS DO 81% DAS
BENEFICIARIAS
SON DESEMPREGADAS**

Se concretamos a situación laboral das beneficiarias no ámbito xeográfico no que residen, atopamos que **máis do 33% das mulleres beneficiarias sen emprego residen na provincia da Coruña** seguida de Pontevedra, onde residen un 28% das beneficiarias desempregadas. En Lugo e Ourense residen o 8% e o 11% de beneficiarias desempregadas, respectivamente.

Táboa 8 . Beneficiarias segundo a súa situación laboral e provincia na que residen (ano 2019)

Provincia	Desempregadas	Empregadas	Total
A Coruña	194	50	244
Lugo	46	10	56
Ourense	64	6	70
Pontevedra	167	40	207
Total	471	106	577

Gráfico 21. Porcentaxe mulleres empregadas e desempregadas por Provincia (ano 2019)




106 mulleres beneficiarias das prestacións teñen un emprego, o 85% destas mulleres residen nas provincias da Coruña e Pontevedra.

O nivel de ingresos das mulleres beneficiarias caracterízase por ser inferior ao IPREM (Indicador Público de Renta de Efectos Múltiples) no 85,6% dos casos. O valor do IPREM no ano 2019 foi de 537,84 €/mes e 7.519,59 €/ano en 14 pagas. As beneficiarias de Lugo e Ourense son as que teñen uns ingresos menores.

En termos provinciais o nivel dos ingresos das beneficiarias é moi similar:


Gráfico 22. Porcentaxe ingresos das beneficiarias por Provincia (ano 2019)



Tipoloxía das vítimas beneficiarias da prestación (ano 2019):

Do total de beneficiarias o 96 % son vítimas de violencia de xénero (554 mulleres) e un 4% son vítimas de trata de seres humanos con fins de explotación sexual, o que representa a 23 mulleres.

Gráfico 23. Tipoloxía das vítimas beneficiarias da prestación (ano 2019)



O 78,7% das mulleres que acreditaron ser vítimas de violencia de xénero son españolas e un 21,3% son estranxeiras e máis do 68% son menores de 46 anos.

Do total de beneficiarias da convocatoria do ano 2019, **acreditáronse 23 casos de vítimas de trata con fins de explotación sexual**, representando o 4% dos casos acreditados polas mulleres en situación de violencia de xénero. Todos os casos de vítimas de trata con fins de explotación sexual acreditaron a súa condición de vítimas de violencia de xénero mediante o informe dos Corpos e Forzas de Seguridade do Estado a excepción dun caso da Coruña que se fixo a través dun informe dos servizos sociais ou sanitarios.

A CORUÑA REXISTROU O

78% DOS CASOS DE VÍTIMAS DE TRATA CON FINS DE EXPLOTACIÓN SEXUAL


Ademais das 17 vítimas de trata con fins de explotación sexual da provincia da Coruña, identificouse un caso na provincia de Pontevedra e en Lugo e Ourense, dous casos en cada provincia.

Estas vítimas son todas elas **estranxeiras**, principalmente de países latinoamericanos. O 43% de nacionalidade paraguaia, o 26% son venezolanas, e tamén se identificaron 2 vítimas de cada un dos seguintes países: Brasil, Colombia e Níxer e unha muller nicaraguana.

TODAS AS VÍTIMAS DE TRATA CON FINS DE EXPLOTACIÓN SEXUAL SON ESTRANXEIRAS

Das mulleres que foron vítimas de explotación sexual no ano 2019, 3 mulleres tiñan menos de 20 anos e o 48% tiñan unha idade comprendida entre os 26 e os 35 anos.

Gráfico 24. Beneficiarias vítimas de explotación sexual por tramo de idade (ano 2019)



Só unha das vítimas de trata con fins de explotación sexual ten 1 filla/o, sendo neste caso unha nena á pequena ao cargo da beneficiaria.

Non se acreditou ningunha discapacidade entre estas vítimas.

Todas as vítimas de explotación sexual atopábanse en situación de desemprego.

MÁIS DO **43%** DAS VÍTIMAS DE TRATA CON FINS DE EXPLOTACIÓN SEXUAL TEÑEN **MENOS DE 25 ANOS**

5.3. Comparativa dos resultados da convocatoria do ano 2018 e 2019 da prestación para mulleres que sofren violencia de xénero prevista no artigo 39 da Lei galega 11/2007

O orzamento destinado a estas prestacións ten unha liña ascendente, **incrementándose máis dun 12 % do orzamento no ano 2019** con respecto do anterior do 2018.

No ano 2019 recibíronse **un 4% máis de solicitudes**, pasando de 741 solicitudes en 2018 ás 772 solicitudes de 2019. Pola contra, **concedéronse 577 solicitudes en 2019**, 6 menos das solicitudes concedidas no ano 2018. Esta situación pódese entender


analizando os motivos das denegacións. No ano 2019, **16 das solicitudes presentadas xa foran apoiadas en convocatorias anteriores**, tamén é relevante o número de beneficiarias que desisten expresamente da prestación (20 mulleres), sendo 5 mulleres máis no ano 2019 das que desisten no ano anterior. Do mesmo xeito, 4 mulleres máis no 2019 fronte aos datos de 2018 non acreditan a situación de violencia de xénero nunha relación de convivencia e dependencia económica do agresor e tamén se incrementou en 6 mulleres fronte aos datos do ano 2018, que non cesaron na convivencia no intervalo temporal dos 12 meses anteriores á presentación da solicitude.

En relación á distribución xeográfica das prestacións, a provincia da **Coruña é a que rexistra un maior número de solicitudes** os dous anos, seguida de Pontevedra, Ourense e Lugo.

O incremento do número de concesións, produciuse en dúas provincias, na de Lugo con 3 expedientes máis concedidos, e o mesmo sucedeu na provincia de Pontevedra con outros 3 expedientes máis aprobados.

A provincia de Ourense reduciu o seu número de solicitudes e de concesións pasando de 109 solicitudes recibidas en 2018 fronte ás 101 solicitudes de 2018. Do mesmo xeito, as concesións na provincia pasaron de 78 no ano 2018 a 70 concesións no ano 2019.

Gráfico 25. Número de solicitudes e concesións por Provincia comparativa ano 2018-2019



provincia de **Pontevedra incrementou o seu ratio de concesión de axudas con respecto ao total de concesións en Galicia**, pasando dun 35,3% das concesións totais en 2018 ao 35,88 % no 2019, do mesmo xeito, a provincia de **Lugo incrementou en 0,7 puntos a súa representatividade no número de concesións totais** pasando a ser dun 9,71% no ano 2019.

En relación á acreditación da situación de violencia de xénero, no total de expedientes, tanto na convocatoria de 2018 como de 2019, máis do 80% das acreditacións realizáronse a través de sentenzas xunto coas ordes de protección ou medidas cautelares, **reducíndose en 2,5 puntos a porcentaxe de sentenzas no ano 2019 con respecto ao 2018.**

No caso das vítimas de trata con fins de explotación sexual, chama a atención o **incremento do número de informes das forzas e corpos de seguridade do Estado para acreditar esta situación**, pasando de 5 informes no ano 2018 aos 22 emitidos no ano 2019, o que tamén supón un incremento da representatividade destes informes con respecto ao total de acreditacións, pasando a ser un 3,81% das acreditacións das beneficiarias da presentación.


EN 2019 INCREMENTÁRONSE OS INFORMES DE FCS CON RESPECTO AO 2018

Táboa 9. Medios de acreditación da situación de violencia de xénero da beneficiaria, comparativa ano 2018-2019

	Total 2018	Total 2019
<i>Orde de protección ou medida cautelar</i>	306	305
<i>Sentenza</i>	176	164
<i>Informe do Ministerio Fiscal</i>	2	2
<i>Informe das FCS</i>	5	22
<i>Informe de Servizos Sociais o Sanitarios da Adm. Pública autonómica ou local</i>	81	71
<i>Informe dos Servizos de Acolida da Adm. Pública autonómica ou local</i>	13	13
Total	583	577

En termos territoriais, **incrementouse a porcentaxe de vítimas de violencia de xénero beneficiarias destas prestacións que residen en zonas rurais**, pasando dun 50% no ano 2018 a un 53% no ano 2019. En conxunto, as zonas menos poboadas clasificadas como zonas intermedias de poboación ou zonas pouco poboadas representan á maioría dos lugares de residencia das beneficiarias pero, mentres que no ano 2018 era maior a porcentaxe de mulleres que residían en zonas pouco poboadas das que residían en zonas intermedias de poboación, no ano 2019 incrementouse a representatividade das zonas intermedias de poboación.

Gráfico 26. Beneficiarias da prestación por Grao de Urbanización comparativa dos anos 2018- 2019



A información relativa á nacionalidade das beneficiarias confirma que se mantén desde o ano 2018 a mesma representatividade **de tres de cada catro beneficiarias con nacionalidade española. Incrementouse a porcentaxe de beneficiarias de países latinoamericanos nun 2% con respecto ao ano 2018**, representando o

16% das beneficiarias do ano 2019. Por nacionalidade, incrementaron a súa presenza as mulleres procedentes de Brasil, pasando de 19 en 2018 a 24 no ano 2019 e tamén, se incrementou en 4 as mulleres con nacionalidade Venezolana e en 3 as mulleres colombianas, con respecto ás cifras de 2018. Pola contra, as mulleres rumanas e dominicanas baixaron a súa representatividade en 5 e 4 mulleres respectivamente fronte aos datos de 2018.

En relación á distribución por idade, **reduciuse o número e a representatividade das mulleres menores de 46 anos, pasando dun 75% do total das beneficiarias no ano 2018 ao 70% no ano 2019.** O grupo de idade que era máis numeroso no ano 2018 eran as mulleres entre 21 e 35 anos mentres que no ano 2019 é maior a representatividade das mulleres entre 56 e 65 anos, pasando de ser un 5% do total de beneficiarias en 2018 a un 9,5% no ano 2019.

DO ANO 2018 AO 2019

INCREMENTOUSE NUN **5,2%** A
PORCENTAXE DE
**BENEFICIARIAS DE 46 OU MÁIS
ANOS**

En relación á súa situación familiar, no ano 2018 o 60% das beneficiarias (345 mulleres) tiñan polo menos unha filla ou fillo menor ao seu cargo mentres que no ano 2019 esa cifra baixou a un 52% das beneficiarias (301 mulleres).

Táboa 10 . Beneficiarias segundo o número de fillas/os menores ao seu cargo, comparativa ano 2018-2019

	2018		2019	
	N.º beneficiarias	Total fillas/os	N.º beneficiarias	Total fillas/os
0 fillas/os	238	0	276	0
1 filla/o	193	193	178	178
2 fillas/os	119	238	89	178
3 fillas/os	28	84	28	84
4 fillas /os	5	20	6	24
TOTAL	583	535	577	464

Segundo o número de fillos das beneficiarias, considérase relevante que, **no ano 2018 un 25% das beneficiarias teñen dous ou máis fillas/os menores ao seu cargo** mentres que no **ano 2019 serían un 21 % as beneficiarias que teñen dous ou máis fillas/os**. Do total de menores ao cargo das beneficiarias, no ano 2018

o 51,5% son nenos e o 48,5% son nenas, cifras moi similares ás presentadas en 2019 con 51 % de nenos e un 48% de nenas.

En relación á distribución xeográfica, no ano 2018 máis do 46% das rapazas e rapaces menores residen na provincia da Coruña, e o 32 % na de provincia de Pontevedra mentres que **no ano 2019 incrementouse en 5 puntos porcentuais os nenos/as que residen na provincia de Pontevedra e reduciuse proporcionalmente os/as residentes na provincia da Coruña**. Os datos do 14% residentes na provincia de Ourense e o 8% de nenos/as na de Lugo, mantense nos dous anos.

Estas prestacións tamén recollen a situación de especial vulnerabilidade nos casos dunha discapacidade das beneficiarias ou dos fillos/as menores ao seu cargo.

No ano 2018, 44 mulleres tiñan acreditada unha discapacidade mentres que no ano 2019 eran 52 as mulleres beneficiarias cunha discapacidade.

En relación á provincia de residencia, só en Ourense se mantivo a cifra de 3 mulleres que teñen acreditada unha discapacidade no ano 2018 e tamén no ano 2019 e foi na provincia de Lugo onde se incrementou a representatividade de beneficiarias cunha discapacidade, pasando de 3 mulleres no ano 2018 a 6 mulleres no ano 2019.

Se retomamos a análise das **fillas/os menores a cargo** das Beneficiarias, reduciuse ata o **1,73% do total os menores que teñen acreditada unha discapacidade**, falamos de 16 rapaces/as con esta situación de dependencia

acreditada no ano 2018 e de 10 rapaces no ano 2019. E mentres que no ano 2018 máis da metade dos fillos/as a cargo das beneficiarias que teñen acreditada unha discapacidade residían na provincia da Coruña, no ano 2019, o 70% dos fillos/as cunha discapacidade residen na provincia de Pontevedra.

A situación laboral das beneficiarias, recollida nos criterios de adxudicación das prestacións obxecto deste informe caracterízase por unha elevada porcentaxe de beneficiarias desempregadas. **Do ano 2018 ao ano 2019 reduciuse nun 3% a porcentaxe de mulleres desempregadas beneficiarias desta axuda** pasando dun 84% do total das beneficiarias no ano 2018 a un 81% de mulleres desempregadas beneficiarias da axuda no ano 2019.

Táboa 11 . Beneficiarias segundo a súa situación laboral e provincia na que residen comparativa ano 2018-2019

Provincia	2018		2019	
	Desempregadas	Empregadas	Desempregadas	Empregadas
A Coruña	199	50	194	50
Lugo	48	5	46	10
Ourense	70	7	64	6
Pontevedra	173	31	167	40
Total	490	93	471	106

No que respecta ás beneficiarias cun posto de traballo, no ano 2018, máis do 53% residen na provincia da Coruña, pola contra, aínda que no ano 2019 baixou a súa

representatividade ata o 47%, **seguen sendo a provincia da Coruña onde residen máis beneficiarias cun emprego.**

Respecto á tipoloxía de beneficiarias da convocatoria, **incrementáronse os casos de vítimas de trata con fins de explotación sexual**, aumentando de 6 casos en 2018 aos 23 acreditados no ano 2019. Do mesmo xeito, estas vítimas pasan de representar o 1% das beneficiarias das presentacións no 2018 a acadar o 4% do total de beneficiarias no ano 2019.

A provincia de Pontevedra non rexistra ningunha beneficiaria vítima de trata con fins de explotación sexual no ano 2018 e só unha no 2019 mentres que a provincia da **Coruña é a que segue a ter un maior número de vítimas**, pasando de 3 mulleres no ano 2018 a 17 no ano 2019. Estas vítimas seguen sendo todas elas **estranxeiras**, pero mentres que no ano 2018 o 50% das mulleres tiñan nacionalidade Nixeriana, no ano 2019 o número de mulleres nixerianas representa o 8% das vítimas e o 43,5% das vítimas son de Paraguai.

INCREMENTÁRONSE OS CASOS DE VÍTIMAS DE TRATA CON FINS DE EXPLOTACIÓN PASANDO DE 5 EN 2018 A 23 BENEFICIARIAS EN 2019

Mentres que no ano 2018 máis do 66% das vítimas eran menores de 25 anos, no ano 2019 incrementouse o número de mulleres beneficiarias destas prestacións con unha

idade comprendida entre os 26 e os 35 anos, pasando de ser 11 beneficiarias no ano 2019 fronte a unha soa beneficiaria no ano 2018.

Pola contra, é menor o número de vítimas de trata con fins de explotación sexual que teñen fillas/os, pasando de dúas en 2018 a unha en 2019 e de 3 nenas e 1 neno menores de idade ao seu cargo no ano 2018 a unha nena no ano 2019.

Tendo en conta que a maioría dos casos de vítimas de trata con fins de explotación sexual acreditan a súa condición de vítimas de violencia de xénero mediante o informe dos Corpos e Forzas de Seguridade do Estado, pasouse de 5 informes no ano 2018 a 22 informes no ano 2019.

6. CONCLUSIÓNS

Entre os diferentes programas de actuacións que promove a Secretaría Xeral da Igualdade para apoiar ás mulleres vítimas de violencia de xénero, desde o ano 2006 o Programa de **Prestacións periódicas a vítimas de violencia de xénero** favorece a independencia económica das vítimas e impulsa o seu empoderamento.

Datos Globais:

- **Financiamento:** Nos catorce anos de execución deste programa concedéronse prestacións por unha suma total superior aos 38,9 millóns de euros.

38.935.425,26



**ORZAMENTO NO PERIODO 2006-
2019**



- **Incremento orzamentario:** os orzamentos dos anos últimos 3 anos superaron os 4 millóns de euros, sendo no 2019 superior aos 5 millóns de euros. En termos globais, o incremento orzamentario desde o ano 2006 foi dun 76%.
- **Concesións:** desde o ano 2012, a media de prestacións concedidas é superior ao 70% das solicitudes presentadas anualmente.
- **Evolución do número de Beneficiarias:** as beneficiarias dos últimos 5 anos representan máis do 45% do total de mulleres apoiadas desde a creación das prestacións fai 14 anos.

4.915 BENEFICIARIAS

DESDE O ANO 2006

- **Beneficiarias por provincia:** A Coruña é a provincia que suma un maior número de beneficiarias, o 40% do total, seguida de Pontevedra cun 36%, Ourense cun 12,7% e finalmente Lugo co 10,7% das beneficiarias. Pola contra, é a provincia de Pontevedra a que en termos xerais ten o mellor ratio de concesións por número de solicitudes de toda Galicia.

Prestacións periódicas a vítimas de violencia de xénero (ano 2019)

5.294.965,89

€ ORZAMENTO ANO 2019

577 BENEFICIARIAS

ANO 2019

- **Orzamento:** o orzamento de 2019 é o máis elevado desde o inicio das prestacións, superando en máis de 600.000 € o orzamento do ano anterior.
- **Beneficiarias:** a porcentaxe de concesións de prestacións foi dun 74,7%, sendo a provincia de Pontevedra a que tivo un maior ratio de concesións con respecto ás solicitudes presentadas na provincia cun 75,7%.



- **Acreditacións da situación de violencia de xénero:** na convocatoria do ano 2019, máis do 81% das beneficiarias acreditaron a situación de violencia de xénero con medidas xudiciais.
- **Beneficiarias en núcleos rurais:** máis do 53% das beneficiarias do ano 2019 residen en zonas intermedias ou pouco poboadas, vivindo nestas últimas máis do 21% do total de beneficiarias.
- **Beneficiarias por lugar de residencia:** O 21% das beneficiarias do ano 2019 residen en zonas moi poboadas da provincia da Coruña (A Coruña, Ferrol e Santiago de Compostela). O 15% das beneficiarias totais residen en Pontevedra capital e en Vigo. O 4,8% do total de beneficiarias residen no Concello de Lugo e o 6,4% residen no Concello de Ourense.
- **Nacionalidade das beneficiarias:** no ano 2019 tres de cada catro beneficiarias tiñan nacionalidade española.
- **Idade das Beneficiarias:** O 70% das beneficiarias da convocatoria do ano 2019 tiñan menos de 46 anos.

**38% DAS BENEFICIARIAS DO
ANO 2019 SON MENORES DE 35
ANOS**

- **Beneficiarias con fillas/os menores a cargo das beneficiarias:** 301 mulleres, é dicir, o 51% das beneficiarias teñen fillas/os ao seu cargo.
- **Fillas/os menores a cargo das beneficiarias:** 223 rapazas e 241 rapaces son os menores a cargo das beneficiarias no ano 2019.
- **Beneficiarias e fillas/os menores ao seu cargo cunha discapacidade acreditada:** O 9% das beneficiarias acreditaron unha discapacidade e o 2% das/os menores ao seu cargo tamén acreditan esta situación.
- **Situación laboral e económica das beneficiarias:** no ano 2019, máis do 81% das beneficiarias eran desempregadas. Menos do 15% das beneficiarias teñen un nivel de ingresos superior ao IPREM.
- **No ano 2019 acreditáronse 23 casos de vítimas de trata con fins de explotación sexual,** representando o 4% do total de beneficiarias un 3% maior aos datos do ano 2018 onde se rexistraron 6 casos de vítimas de trata con fins de explotación sexual.

**85% DAS BENEFICIARIAS CON
EMPREGO RESIDEN NAS
PROVINCIAS DA CORUÑA E
PONTEVEDRA**

